



**KENYATAAN AKHBAR  
MENTERI KANAN PERTAHANAN**

**MENGENAI PELAKSANAAN PERINTAH KAWALAN PERGERAKAN (PKP) HARI  
KE-171 DAN HARI KE-87 PERINTAH KAWALAN PERGERAKAN PEMULIHAN (PKPP)**

**Task Force Operasi Pematuhan**

Task Force Operasi Pematuhan yang diketuai Polis Diraja Malaysia (PDRM) telah membuat 58,050 pemeriksaan semalam (3 September 2020) bagi memantau dan menguatkuasa pematuhan Prosedur Operasi Standard (SOP) Perintah Kawalan Pergerakan Pemulihan (PKPP).

Sebanyak 3,059 Pasukan Pematuhan yang melibatkan 13,042 anggota telah membuat pemantauan di 3,703 pasar raya, 4,955 restoran serta 1,255 penjaja, 1,137 kilang, 3,863 bank dan 1,039 pejabat kerajaan. Juga dipantau, sebanyak 1,070 terminal pengangkutan darat, 218 terminal pengangkutan air serta 120 terminal pengangkutan udara.

Semalam (3 September 2020), PDRM telah menahan 48 individu atas kesalahan ingkar arahan PKP. Daripada jumlah itu, seramai 47 individu telah dikompaun dan 1 individu dijamin. Antara kesalahan ingkar arahan PKP termasuk gagal menyediakan peralatan/catitan keluar masuk (12), tidak memakai pelitup muka (17), premis beroperasi lebih masa (13), langgar perintah kuarantin (1), dan aktiviti dengan melibatkan kehadiran orang ramai yang menyukarkan penjarakan fizikal (5).

**Kawalan Sempadan Negara**

Operasi Benteng di bawah National Task Force (NTF) yang melibatkan Angkatan Tentera Malaysia (ATM), Polis Diraja Malaysia (PDRM), Agensi Penguatkuasaan Maritim Malaysia (APMM) dan Agensi Kawalan Sempadan Malaysia (AKSEM) mengawal ketat sempadan negara secara bersepadu daripada dibolosi Pendatang Asing Tanpa Izin (PATI) bagi mengekang jenayah rentas sempadan selain menyekat penularan wabak COVID-19.

---

Semalam (3 September 2020), Operasi Benteng telah berjaya melakukan 28 tangkapan yang melibatkan 83 PATI, 1 tekong dan 1 penyeludup. Operasi turut membuat rampasan 1 bot dan 5 kenderaan darat. Sebanyak 79 Sekatan Jalan Raya (SJR) dilaksanakan semalam yang melibatkan PDRM (65 SJR), AKSEM (10 SJR), dan ATM (4 SJR).

Kerajaan akan mengambil tindakan tegas terhadap mana-mana pihak yang cuba memasuki sempadan negara secara haram dan agensi-agensi penguatkuasa akan terus mengetatkan kawalan kawasan sempadan terutamanya di lorong-lorong tikus.

### **Kuarantin Wajib**

Sejak 24 Julai sehingga 3 September 2020, seramai 22,252 individu telah pulang ke tanah air melalui pintu masuk sempadan antarabangsa dan telah ditempatkan di 70 Hotel dan 4 Institut Latihan Awam (ILA) di Kuala Lumpur, Selangor, Negeri Sembilan, Pulau Pinang, Johor, Sarawak, Kelantan, Perak, Kedah, Perlis, Terengganu, Sabah dan Labuan. Daripada jumlah itu, seramai 8,985 individu sedang menjalani proses Kuarantin Wajib manakala 66 individu telah dihantar ke hospital untuk rawatan. Seramai 13,201 individu telah didiscaj dan dibenarkan pulang.

Mereka telah pulang dari 32 negara, iaitu Filipina, Thailand, Indonesia, Kemboja, Singapura, Vietnam, Brunei, Qatar, Pakistan, Arab Saudi, Hong Kong, India, UAE, Jepun, Turki, Korea Selatan, Iran, Nepal, Bangladesh, Myanmar, Timor Leste, Taiwan, China, UK, Belanda, Papua New Guinea, Mesir, Sepanyol, Perancis, Australia, New Zealand & Amerika Syarikat.

### **Operasi Sanitasi Awam COVID-19**

Ops Sanitasi Awam di bawah kawal selia Kementerian Perumahan dan Kerajaan Tempatan (KPKT) sejak 30 Mac 2020 telah melakukan 9,829 operasi sanitasi merangkumi 134 zon. Sebanyak 12,928 premis telah disanitasi yang terdiri daripada 2,705 pusat perniagaan, 5,697 bangunan kerajaan, 1,596 kawasan perumahan termasuk PPR, 2,574 tempat awam dan 354 pasar raya.

Semalam (3 September 2020), sebanyak 14 operasi sanitasi meliputi 10 zon Kuning dan 8 zon Hijau yang melibatkan 5 buah negeri antaranya Sarawak (7 operasi), Melaka (3 operasi), Sabah (2 operasi), Johor (1 operasi) dan Wilayah Persekutuan Putrajaya (1 operasi). Operasi sanitasi ini melibatkan 86 anggota dari Jabatan Bomba dan Penyelamat Malaysia (JBPM) serta 70 anggota Pihak Berkuasa Tempatan (PBT). 7 jentera JBPM turut terlibat dalam operasi sanitasi.

---

## **Tapak Binaan**

Semalam (3 September 2020), Lembaga Pembangunan Industri Pembinaan Malaysia (CIDB) telah membuat pemeriksaan 22 tapak binaan di seluruh Malaysia. Hasil pemeriksaan mendapati 21 tapak binaan mematuhi SOP yang telah ditetapkan manakala 1 tapak binaan tidak patuh dan diberi amaran.

## **Barang Keperluan Asas**

Semalam (3 September 2020), Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) telah membuat pemantauan harian ke atas 12 jenis bekalan barangan di 732 premis perniagaan termasuk peruncit (522), pemborong (181) dan pengilang (29). Secara keseluruhan bekalan barangan keperluan mencukupi dan mampu menampung keperluan dalam negara yang berterusan dan mudah diperolehi.

Pegawai penguatkuasa KPDNEHP juga telah melakukan 1,416 pemeriksaan khas Pematuhan SOP PKPP dan mendapati 1,399 premis mematuhi SOP yang ditetapkan manakala 17 premis diberi nasihat kerana tidak patuh SOP.

Dalam tempoh PKPP ini, Kerajaan ingin menggesa pengusaha dan orang ramai supaya sentiasa mengamalkan kawalan sendiri termasuk penjarakan sosial dan kebersihan diri terutamanya dalam aktiviti jual beli barangan keperluan harian.

**YB DATUK SERI ISMAIL SABRI YAAKOB**

**MENTERI KANAN PERTAHANAN**

**4 September 2020**